



鍾榮光先生在美洲募捐誌畧

鍾榮光行抵古巴

僑星週報古巴夏灣函。嶺南大學副監督鍾榮光先生。爲推廣嶺南農大計畫。奔走海外募捐。昨日偕同該校畢業生謝照杰君。乘滿洲船來古。已於三號駕到。是日在碼頭歡迎者。有致公堂會長黃仲和先生及職員多人。華文報記者陳月湖先生。鍾穎川堂代表及新昇隆周文波李聘三兩先生等。隨即乘汽車直至新昇隆。少頃。國民黨古巴支部部長蔣北斗先生來拜候。是晚蔣君設筵於太平洋酒樓。爲鍾先生洗塵。相陪者有廣興昌總理趙式睦。華商銀行趙鼎榮。民聲日報總理雷溢潮及東方銀行周文波先生。賓主酬酢。極形歡洽。四號晚東亞公司總理陳丁如先生請宴。

五號晚香山公所。開會歡迎。到者甚衆。極形踴躍。鍾先生自到古後。中華會館總理蔣修身副總理陳了如書記蔣安良諸先生偕同鍾先生往各社團體及各店拜客。備受歡迎云。

（以下錄古巴華文商報及開明報）

鍾榮光先生晉謁各界

前廣東教育司。現任嶺南大學監督鍾榮光先生。于三號抵灣。已紀前報。先生舍館甫定。即于昨日偕同其高足周文波先生。晉謁公使領事。及拜候各商家社團。藉資接洽。而篤鄉情。所到之處。各界無不厚意歡迎。優禮相待。對於協助農科大學之事。均覺表示好意。將來捐款。想必甚爲踴躍云。

中國使署讌客紀盛

本灣訪函云。昨禮拜五日。八十四號使署大排讌筵。爲鍾榮光。黃三德。鐘仲芍。謝超傑。區詠篤。周文波。諸先洗塵。并爲陳屈伸先生餞行。特柬請各社會商庄報界重要人員一齊赴席。計是晚赴席者有蔣君修身。游公惠裳。李公戩伯。蔣君北斗。陳君丁如。黃君傑良。趙君式睦。